

**Inatsisartut taakkulu allaffissornikkut immikkoortuisa illussaannik nappaanissamut
Siulittaasoqarfiup pilersaarusaanut Inatsisartut tapersiinissaannut
aalajangiiffigisassatut siunnersuut.**

(Inatsisartut Siulittaasoqarfianit saqqummiunneqartoq)

pillugu

Suleriaatsimut Ataatsimiititaliap

ISUMALIUTISSIISUTAA

Siunnersuutip aappassaaneerneqarneranut saqqummiunneqartoq

Ataatsimiititaliap suliarinninnerani peqataapput:

Inatsisartunut ilaasortaq Lars-Emil Johansen, Siumut, siulittaasoq
Inatsisartunut ilaasortaq Agathe Fontain, Inuit Ataqatigiit, siulittaasup tullia
Inatsisartunut ilaasortaq Ane Hansen, Inuit Ataqatigiit
Inatsisartunut ilaasortaq Finn Karlsen, Siumut
Inatsisartunut ilaasortaq Kristian Jeremiassen, Siumut
Inatsisartunut ilaasortaq Gerhardt Petersen, Atassut
Inatsisartunut ilaasortaq Jens B. Frederiksen, Demokraatit
Inatsisartunut ilaasortaq Randi Broberg, Partii Inuit
Inatsisartunut ilaasortaq Juliane Henningsen, Inuit Ataqatigiit, sinniisoq
Inatsisartunut ilaasortaq Michael Rosing, Demokraatit, sinniisoq

Siunnersuut ulloq 7. november 2013 Inatsisartuni siullermeerneqarnermini Suleriaatsimut Ataatsimiititaliamut oqaluusereqqitassatut innerusuussutigineqarpoq. Isumaliutissiisutikkut matumuuna Inatsisartut aalajangiinissaannut tunngavissianut ilassutini itisiliissutinilu ataatsimiititaliap saqqummiuppai.

Siunnersuutip imarisaa siunertaalu

Inatsisartut Siulittaasoqarfiat Inatsisartut illutassaannik nutaamik sanaartornissamik sulinium-mik aallartitsisimavoq. Inatsisartoqarfissaq nutaaq aallaavittut Inatsisartunit, Inatsisartut Allattoqarfiannit aamma naalakkersuinikkut suliniaqatigiiffinnit Inatsisartuni sinniisutitaqartunit taakkulu allaffeqarfiinit atorneqartussaavoq.

Inatsisartoqarfissap nutaap sumi inisisimanissa, ilusissaa angissusissaalu inaarutaasumik suli aalajangiiffiqeqanngillat. Taamaalillunilu siunnersuut tunngaviusumik aalajangiinissa-
tut, kiisalu inatsisartoqarfissamik nutaamik sananissamut pilersaarutip naammassineqarnis-
saanut siunnersummilu suliassaq eqqarsaatigalugu aningaasatigullu killiliussat allaaserine-
qartut iluanni taamatut sanaartornissamut pisariaqartunik isumaqatigiissuteqarnissamut pigin-
naatitsissutitut, iluseqarpoq.

Siunnersuutip Inatsisartuni siullermeerneqarnerat

Siunnersuutip siullermeerneqarnerani paasinarpoq siunnersuutikkut siunertarineqartut iliuu-
sissallu Naalakkersuisunit partiinillu tamanit, Demokraatit eqqaassanngikkaanni, nalingin-
naasumik tapersorsorneqartut. Inatsisartulli ataatsimiittarfiata mikivallaalersimanera Demo-
kraatit isumaqatigaat, siunnersuutigalugu ajornartorsiut tamanna iluarsineqarsinnaasoq
Inatsisartunut ilaasortat 25-inut ikilineqarnerisigut.

Tusarniaanermi akissutit

Ataatsimiitaliaq paasitinneqarpoq taamanikkut siunnersuusiornermut atatillugu atortussat
suliarineqarsimasut tamatumunnga naatsumik quillunerusumik nassuaat naalakkersuinikkut
suliniaqatigiiffinnut Inatsisartuni ilaasortaatitaqartunut ulloq 22. juni 2013 tusarniaatigine-
qarsimasoq, qinnuigalugit kingusinnerpaamik ulloq 29. juli 2013 akissuteqaqqullugit. Siumut
amma Inuit Ataqatigiit tusarniaanermut akissuteqarput, siunnersuut isumaqatigalugu.

Partit allat tusarniaanermut akissuteqanngillat, taamaattumillu siunnersuuteqartup, tusarni-
aanerni pissusiusartutut, tunngavissaritissimalugu, pilersaarutit aamma partiinit allanit, tusar-
niaanermi akissuteqanngitsunit, tapersorsorneqartut.

Ataatsimiitaliap siunnersummik suliarinninna

BOT aamma OPP

Siulittaasoqarfiup siunnersuutigaa sanaartortitseriaaseq BOT malillugu sanaartortitsisoqas-
sasoq. BOT isumaqarpoq Build-Operate-Transfer, taanna malillugu sanaartortup sanaartugaq
akilerneqarnissaata tungaanut ingerlattarlugu, taamaalereerpallu sanaatitsimut tunniuttarlugu.
Taamatut periaaseqarluni sanaartortitsinissami aalajangersimasumi immikkuualuttut
eqqarsaatigalugit Suleriaatsimut ataatsimiitaliap aalajangiiffigisassatut siunnersummi
ilanngussami A-mi, immikkoortumi 2-mi sukumiinerusumik allaaserineqarnera innersuus-
sutigissavaa. Taamatuttaaq periaaseq taanna isumaliutissiissummi matumani aningaasatigut
kingunerisassat pillugit immikkoortumi sukumiinerusumik eqqartorneqarpoq.

Taamatut suleqatigeeriaaseq aaqqissuuusseriaaserlu pisortat namminersortullu suleqatigeeriaa-
siinut, offentligt-private partnerskaber (OPP), akuerisanut ilaavoq. Suleqatigiilluni peqatigeer-
riaatsit taamaattut suli annertunerusumik nunatsinni atorneqarneq ajorput, erseqqilluin-
nartumilli taamatut suleqatigeeriaatsit Danmarkimi atorneqaleriartuinnarlutik. Naalagaaffiup

Sanaartugaatinik Aqutsisoqarfia Statens Bygningsstyrelse taamaalilluni pisortat sanaartugassaataanni tamani 100 mio. kr. sinnerlugit akeqartussani tamani OPP atorneqarnissaata nalilorsorneqartarnissaa kaammattuutigisimavaa. Sanaartugaatinik Aqutsisoqarfiaup periaaseq tamatumalu iluaquitissartai nittartakkamini ima allaaserai:

"OPP aaqqissuuusseriaasiuvoq pisortat sanaartugassaataannik naammassinninniarnermut atorneqartartoq.

OPP-mi qitiusoq tassaavoq pisortat sanaartugassap aalajangersimasup suliarineqarnissaanuinnaanngitsoq, kisiannili aamma sanaartukkap ingerlanisaannut, namminersortunik pilersuisussarsortarnerat. Namminersortut peqataasut taamaalillutik sanaartorneq kisiat akisussaaffiginagu, kisianni aamma tamatuma aserfallatsaaliineq ingerlatsinermilu suliassat akisussaaffigisarpaat. Taamaattumik aamma taamatut sanaartortitsinermi pisortat namminersortunut annerusumik sanaartornerup qanoq ingerlanneqarnissaanut piumasaqaateqarnerunatik sanaartukkap qanoq atuunniissaanut piumasaqaateqarnerusarput, taamaalilluni taakku annertunerusumik periarfissaqartinnejqartarlutik nalinginnaasumik sanaartornernut sanilliullugu. OPP tunnavigalugu sanaartortussap nammineq tassa aalajangertussaavaa sanaartukkat kissaatigineqartutut isumagatigiissutigineqarsimasunut atorsinnaanissa, taamatullu aamma sanaartornerup naammassineqarnerata kingorna qanoq ingerlanneqarlnilu aserfallatsaaloqartassanersoq. Tamatuma sanaartortitsisumut orniginarneruler-sittarpaa ungasissumut atasinnaasunik aaqqiissuteqartoqartarsinnaanera aallaqqaataaniillu suliassap eqqortumik naammassinissaa.

Sanaartukkami OPP naapertorlugu suliarineqartumi ilaatigut aningaasaler-suineq, pilersitsineq aamma ingerlaavartumik ingerlatsineq aserfallatsaaliinerlu ataatsimut eqqarsaatigineqartarput suliniummut ataatsimut neqeroorteqarnermi. Aningaasaliinerit pingaarnerit namminersortumit ingerlanneqartarput, illuatungaani lu pisortat suliamut ingerlaavartumik akilersuisarlutik, nalinginnaasumik piffissap sivisuup ingerlanerani – ass. ukiuniit quliniit 30-nut.

*OPP-p atorneqarneratigut qaangerniagassaq qitiusoq tassaavoq illuatungeriit tamagimmik sungiusimasaminnit allatut inisisimalernertik sungiunniartusaammasuk. Pisortat inniminniisutut taamaallaat pissusilfersortussaapput, namminersortullu sanaartortitsiunertik sungiunniartussaavaat, tamatumalu malitsigisaanik akisussaaffiup tigunissaa."*¹

Tassani aamma takuneqarsinnaavoq Danmarkimi OPP naapeertorlugu suliniutit assigiingsitsut atorneqalereersimasut imaluunniit piffissami aggersumi atorneqalernissaat naatsorsuutigineqarluni, tamakkununnga ilaallutik eqqartuussiviit arllallit, Naalagaaffiup allagaataanik toqqorsivissuaq Rigsarkivet, Nuna tamakkerlugu allagaatinik toqqorsivissuaq Landsarkivet il.il. Periaaseq qulequttami "Naammassisqaqnerunissamut aqqutissaq"-mi allaaserineqarpoq, tassalu pisortat sullissinerisa naammassisqaqfiunerusut, aningaasartuitinut sanilliullugu naammassisqaqfiunerpaamik sullissinermik qaffasissumik pitsaassusilimmik, quilliullugu naammassisqaqfiunerpaamik sullissinermik qaffasissumik pitsaassusilimmik, quilli

¹ <http://www.bygst.dk/viden-om/samarbejds-og-organisationer/offentligt-privat-partnerskab/>

nerusumik anguniakkap angunissaanut naalakkersuisut sakkussaasa ilaattut isigineqarluni.

Periaatsip (suli annertunerusumik) nunatsinni atorneqarsinnaannginneranut erseqqissunik pissutissaqarsorinangilaq, peqatigitilluguli oqaatigineqassalluni periaatsimi oqaatigineqartut piumasarineqarmat illuatungeriit pisarnermit allatut akunnerminni pissusilorsorsinnaanissaat. Ataatsimiititaliap tatigaa nunatsinni sanaartornermik siunnersuisarnermillu ingerlataqartut tamatuminnga naammassinnissinnaassasut, tamannalu tunngavigalugu pissutissaqavissorinagu Inatsisartut iluaqtissanut periaatsip nassatarisassaanut mattutissallugit.

Inatsisartoqarfissap nutaap sananeqarnissaanut qulliunerusumik aningaasatigut pingaarner-siuineq

Inatsisartuni oqallinnermi inuiaqatigiinni pisuussutinik agguaaqatigiinnermit isigalugu pineqartutut siunertamut aningaasaliinissaq naapertuunnersoq arlalinnit apeqqutigineqarpoq.

Suleriaatsimut Ataatsimiititaliap tamatumunnga atatillugu oqaatigissavaa suliassamut matumunnga aningaasaliinissap naapertuunneranik naalakkersuinikkut isumaliutit pisortat sanaartortsinerinut annertuunut allanut, ass. Ilimmarfimmut, atatillugu taamaaqataanik isumaliutit tunngaviusumik assigiinngissuteqanngimmata. Ataatsimiititaliap taamatut eqqarsateqarsinnaaneq paasilluarsinnaavaa. Pisortanit sullinneqarnernut sanaartornernullu pisortanit tapersorsorneqartunut piumasaqaatit kissaatillu annertusiartornerisa nalaanni taamatut eqqarsartoqarsinnaanera pissusissamisoorlunilu naatsorsuutigineqarsinnaavoq. Taamaattorliataatsimiititaliap ilanggullugu oqaatigisariaqarpaa sanaartornissamik matumani siunnersuutigineqartup pisortat sanaartugassatigut nutarterinissatigullu suliassaataannut allanutoqqaannartumik sunniutigisinnaasai annikillisarniarneqarsimammata aningaasalersueriaatsikkut siunnersuummi taaneqartukkut. Taamaalluni aningaasalersueriaaseq siunnersuummi allaaserineqartoq peqataassaaq sanaartornermut pineqartumut akiliutit naatsorsuutigineqartumik ukiunut 20-30-nut siamarneqarnerinut, taamalu sanaartornerup aningaasanut inatsisaartuni ukiumoortumik sanaartugassanut killiliussanut sunniutigisinnaasai killilerneqarsinnaallutik.

Soorunami ilumoopoq Illuut A/S aqqutigalugu pigisamik aalaakkaasumik qularnaveeq-qusiusilluni taarsigassarsisinneqarnikkut sanaartornerup aningaasalersorneqarnerata ukiunut 20-30-nut siamarneqarnera, ingerlaavartumik ernianut aningaasartuutit pissutigalugit ataatsimut isigalugu akisunerusussaammat, nalinginnaasumik aningaasanut inatsit aqqutigalugu sanaartornermut aningaasaliissutikkut sanaartornerup tamarmiusup sanaartorneq aallartitsinnagu akilerneqarneranut sanilliullugu. Pisarnertulli aningaasalersuseriaaseq taamaattoq ukiuni pineqartuni atorneqassagaluarpat tamanna aningaasanut inatsimmi sanaartugassanut ani-ngaasaliissutinut naalakkersuinikkut kissaatigineqartut pitarlugit sunniuteqartussaassaaq, taamaaliornikkummi naalakkersuinikkut pingaartitat allat, assersuutigalugu pisortat inissiaataanni attartortittakkanni oqummik akiuiniarnerit, malunnartumik killilerneqartariaqalissaga-luarmata.

Peqatigitillugu oqaatigineqartariaqarpoq sanaartornissamut BOT atorlugu periaasissaq siunnersuutigineqartoq tunngavimmigut piukkarnerummat Inatsisartut aningaasaliissutigineqartut atorlugit pitsaassutsimik qaffasinnerusumik pissarsineranut, peqatigitillugugu ajutooriataarnissaq annikinnerussalluni, namminersortut sanaartortussat piffissamut sanaartorfiusumut aningaasatigut akisussaaffik tigummiartussaammassuk². Peqatigitillugu namminersortut suliamut peqataasussat erseqqilluinnartumik pissutissaqassapput ungasinnerusoq isigalugu sanaartornerup, ingerlatsinerup, aserfallatsaaliinerup nukissamillu atuinerup ataatsimut eqqarsaatiginissaannut, tassami namminersortut peqataasut sanaartukkap Inatsisartunut tunniunneqarnissaata tungaanut sanaartukkamik piginnittuussammata.

Ataatsimiititaliap naatsorsuutigisariaqarpaa Aantuukasimmi allaffeqarfissuup, qitiusumik allaffeqarfiata ilarujussuanit ullumikkut atorneqartup, pisiniarineqarnissaanik aalajangiiniarnermi taamatut nalilersuinerit aamma tunngavigineqarsimassasut. Tunngavissat pigineqartut tunnga-vigalugit allatut naliliinissamut ataatsimiititaliaq pissutissaqarsorinngilaq.

Sanaartorfissaq illuutillu atuuttut

Ataatsimiititaliap paasivaa Inatsisartoqarfissaq nutaaq ullumikkut Inatsisartut allaffeqarfiata inissisimaffigisaani sananeqarnissaa eqqarsaatigineqanngitsoq. Ataatsimiititaliap ilisimavaa illoqarfimmi inissiiviusinnaasut assigiinngitsut isumaliutigineqartut, tamakkulu pillugit kommunimik oqaloqateqartarnissaq naatsorsuutigineqartoq. Suliniutip iluatsinnissaanut tamanna annertuumik pingarutilittut ataatsimiititaliap isigaa, oqaloqateqartarnissallu taakku siuar-sarneqarnissaat kaammattutigissallugu.

Ataatsimiititaliap tamatuma saniatigut paasivaa Inatsisartoqarfissap nutaap atulernerata kingorna illuutit maanna Inatsisartunit taakkulu allaffissornikkut immikkoortuinit atorneqartut siunissami atorneqarnissaat pillugu aalajangiisoqarsimanngitsoq.

Aallaavittut naatsorsuutigineqarpoq illuutit pineqartut Naalakkersuisunut utertertinneqassasut, tamatumalu kingorna taakku siunissami atorneqarnissaat pillugu sukumiinerusumik aalajangiillutik.

Ataatsimiititaliap taamaalilluni naatsorsuutigilluinnarpaa Naalakkersuisut suliassaqarfinnik Danmarkimit nunatsinnut nussueqqinnissamut, taamatullu aamma aatsitassanut tunngatillugu iluaquaqarniarnermik aqutsinerup ineriartorneranut, atatillugu qitiusumik allaffeqarfiup qanigisaani allaffinnik amerlanerusunik pisariaqartisileriartornissaq naatsorsuutigineqartoq peqatigalugu qitiusumik allaffeqarfiup ilaami pisoqqami illuutit ullumikkut Inatsisartunit Naalakkersuisullu allaffeqarfiinit atorneqartut ilaasa isaterneqarnissaat aalajangerumaaraat, tassani illutit allaffittut atorneqaannassappata naatsorsuutigisariaqarmat annertuumik

² Tamatumunnga atatillugu Illuut A/S, pisortanit pigineqaraluarluni, ingerlatseqatigiaiffittut aaqqissuussaanini pissutigalugu tamatumunnga atatillugu namminersorluni ingerlatsisusut isigineqarsinnaavoq.

nutarterisoqarluni iluarsaassisooqartariaqarnissaa, ilisimaneqartutullu tamanna siusinnerusuk-kulli nalilerneqareerluni ungasinnerusoq isigalugu akisunerussatut taamaaqataanik annertutigisunik nalinginnaasumik allaffeqarfiliornermut sanilliullugu.

Ataatsimiititaliap tamatumunnga atatillugu malugeqqussavaa qitiusumik allaffeqarfimmi illuutit immikkortut ataasiakkaat ingerlaavartumik annikitsukkuutaarlugit sanaartorneqartarsimammata. Taamaalillunilu paasinninneq imaalluni allaffeqarfissup immikkoortuisailaatisaterneqarsinnaasasut immikkoortunut allanut ajoqutaanngitsumik.

Allanngortitsisinnaanermut periarfissat

Isummernissamut tunngavissiaq manna Inatsisartunit akuerineqarpat Suleriaatsimut Ataatsimiititaliap naatsorsuutigaa suliniutip naammassineqarnissaanut 3. mio. kr.-inik ilassutitut aningaasaliissuteqarnissamik qinnuteqaammik tigusaqarnissani.

Ataatsimiititaliap paasivaa immikkut neqerooruteqartitseriaasissaq aningaasalersuinissarlu pillugit soorunami suli pituttuisumik isumaqatigiissuteqartoqarsimanngitsoq. Tamanna tunngavigalugu ataatsimiititaliap pissutissaqarsora oqaatigissallugu, Siulittaasoqarfik kiffanganngissuseqartariaqarmat aamma periaatsinik allanik aalajangiiffigisassatut siunnersuummi taaneqanngitsunik tooqqaanissaminut, suliap ingerlanerani tamanna pissusissamisoornerusoq paasinarsissagaluarpat.

Ataatsimiititaliap tamatumani immikkut eqqarsaatigaa titartaasartunik unammisitsiitgaluni sanaartornerup ingerlannissaanut neqerooruteqartitsilluni suliassap ataatsimut neqeroorfigitin-neqarnissaanik pilersaaruteqarneq. Ataatsimiititaliap taamatut neqerooruteqartitsinerup iluaqutissartaqneranik Siulittaasoqarfiup naliliinera isumaqatigaa. Ataatsimiititaliarli peqatigittillugu isumaqarpoq kissaatiginarmat sanaartornerup ingerlanneqarnissaanut ingerlatsisinaasunit suli amerlanerusunit neqeroortoqarsinnaanissaa. Taamaattumik neqeroortitseriaaseq atorneqartussatut pilersaarutigineqartoq sanaartornerup ingerlanneqarnissaanut neqe-roorutinik ikittuinnarnik allatigulluunniit atorneqarsinnaanngitsunik tigusaqarfiugaluarpat, taava Siulittaasoqarfiup isumaliutigisariaqarpaa neqeroortitseriaaseq alla atorlugu nutaamik suliariumannittussarsiuussinissani, ass. nalinginnaasumik aallaqqaammut illussanik titartaasartunik unammisitseriaarluni kingorna sanaartorsinnaasunik neqeroortitsilluni.

Ataatsimiititaliap tamatuma saniatigut paasivaa sanaartukkap annertussusissaata erseqqinnerusumik aalajangersarneqarnissaa siunertalarugu suli pisariaqartitsinermik sulinermillu naliuersueqqissaarnivimmik suli suliaqartoqarsimanngitsoq. Taamaalilluni suli ersersinneqanngilaq sanaartorneq qanoq annertutigissanersoq. Ataatsimiititaliap maluginiarpa massakkumut naliliigallarneq 3500 kvadrameteriusoq, Siulittaasoqarfik periarfissaqarusummat 5000 kvadratmeter tikillugu sanaartornissamut, tamanna pissusissamisoornerussasoq paasinarsissagaluarpat. Sanaartukkap annertussusissaai kiisalu tamatumunnga atatillugu pissutsit assigiangitsut taamatullu aamma Inatsisartoqarfittaassamut atatillugu sanaartukkat atasussat

erseqqinnerusumik qulaajarneqanngimmata, soorunami sanaartornerup tamarmiusumik akissaa missingiinerugallaannarpqo. Ataatsimiititaliap tamanna isumaliutissiisummik immikkoortumi tullermi sukumiinerusumik sammissavaa.

Siunnersuutip aningaasatigut kingunerisassai

Aalajangiiffigisassatut siunnersuut manna Inatsisartunit akuerineqarpat aalajangiiffigisassatut siunnersuummi tamanna pillugu oqaatigineqartut naapertorlugit Suleriaatsimut Ataatsimiititaliap naatsorsuutigaa 3 mio. kr.-inik ilassutitut aningaasaliissuteqarnissaanik qinnuteqaam-mik tigusaqarnissani. Aningaasat taakku misissueqqaarnernut, atuisut kissaataannik pissusilersortarnerinillu nalunaarsuinermut, isumannaallisaanermut piumasaqaat aalajangersarne-qarnerinut, sanaartornissap allaaserineqarneranut, sanaartortitsisussap pilersaarusrioneranut sanaartornissallu qanoq akeqarnissaata missingerneqarnissaata naammassineqarnissaanut atorneqassapput.

Siunnersummut atatillugu ilanggussani takuneqarsinnaavoq Siulittaasoqarfip pingaartis-simaga sanaartornissamik pilersaarutip matumaa aallaqqammulli annikingaagaanngin-nissaa. Tamanna tunngavigalugu kvadrameterit annerpaafigisassaattut pilersaarutaagallartut suliniutip pileriartuaarnerani annertusisinneqarsimapput. Taamaalilluni takuneqarsinnaavoq suliapi massakkumut killinnerani suliniut 3000 aamma 5000 kvadrameterit akornanni annertussuseqartussaq 95 190 mio. kr.-illu akornanni akeqarsinnaasoq eqqarsaatigineqartoq, peqatigitilluguli ilanggullugu oqaatigineqarluni sanaartukkap annertussusissap appasinnerup eqqaniinnissaa naatsorsuutigineqarnerusoq.

Oqaatigineqareersutut sanaartorneq BOT-mik periaaseqarneq malillugu ingerlanneqartussaavoq. Tamanna isumaqarpoq Siulittaasoqarfik sanaartornermik ingerlatsisussamik namminersortumik – Illuuteqarnermik aktiaateqarluni ingerlatsecatigiiiffik Illuut A/S – Inatsisartoqarfissap nutaap suleriarineqarnissaanut isumaqatigiissuteqassasoq. Sanaartortut sanaartornerup aningaasalersorneqarnera nammineq isumagissavaa, Inatsisartoqarfissaq nutaaq napparlugu, tamatumalu kingorna Inatsisartunut attartortillugu piffissamut attartorfiusumut allangortinneqarsinnaanngitsumut sukumiinerusumik isumaqatigiissuteqarnikkut.

Assersuutitut aalajangiiffigisassatut siunnersuummi taaneqarpoq sanaartugaq 3500 kvadrameterinik annertussusilik eqqarsaatigalugu ukiumut attartornermut 10,5 aamma 12,5 mio. kr. naatsorsuutigineqartut.

Piffissaq attartorfiusoq allangortinneqarsinnaanngitsoq naappat sanaartugaq akeqanngitsumik pisortanut pigisassanngortinneqassaaq.

Naalakkersuisut akissuteqaamminni aningaasartuutissat sukumiinerusumik misissuataarsima-vaat, tamatumunngalu atatillugu missingerlugu sanaartornermut aningaasartuutit sanaartornermilu atortussat toqqarneqartut apeqqutaatillugit Inatsisartoqarfimmik nutaamik 3000

aamma 5000 kvadrameter akornanni angissusilimmik sanaartornermut atatillugu ukiumoor-tumik aningaasartuutit 8,8 aamma 16,7 mio. kr. akornanniissasut, taakkununngalu ingerlatsi-nermut aserfallatsaaliinermullu aningaasartuutit ilanngunneqassallutik.

Aningaasartuutit taakku sanaartukkap Namminersorlutik Oqartussanit pigineqalernissaata tungaanut aalajangersimasuuussaapput, tamatumalu kingorna taamaallaat ingerlatsinermut aserfallatsaaliinermullu aningaasaatuuteqartoqartassalluni.

Ataatsimiititaliap peqatigitillugu oqaatigissavaa aalajangiiffigisassatut siunnersuutip matuma akuerineqarneratigut Siulittaasoqarfik piginnaatinneqassammat suliniutip ingerlateqqinnejarnissaanut aamma – ilassutitut aningaasaliissutit eqqartorneqartut aningaasaliissutigine-qareerpata – Inatsisartut illutassaata nutaap sananeqarnissaanut isumatigiissutaasariaqartunik tamanik isumaqatigiissuteqarnissamut. Taamaalilluni suliniut pillugu aalajangiiffigisassatut siunnersuutinik allanik Inatsisartunut saqqummiussisoqartussaanngilaq. Ataatsimiititaliap naatsorsuutigilluinnarpaa tamakkiisumillu qularutiginagu Siulittaasoqarfip piginnaatitsissut tamanna akisussaassuseqartumik atorumaaraa, immikkut ilisarnaatilimmik sanaartornissamik kissaateqarneq tamatumunnga atatillugu aningaasartuutinut naapertuuteqqullugu.

Tamatumunnga nangissutitut Suleriaatsimut Ataatsimiititaliap kissaatigaa sulinummur siunnersuut inaarutaasoq ataatsimiititaliamut saqqummiunneqaqqaassasoq sanaartornerup aallartinneqarnissaanik Siulittaasoqarfik inaarutaasumik isumaqatigiissuteqartinnagu.

Suleriaatsimut Ataatsimiititaliap taamatuttaaq oqaatigisariaqarpaa suliniut eqqarsaatigalugu aningaasartassai tamarmiusut suli inaarutaasumik allaaserineqarsimanngimmata. Ataatsimiititaliap paasivaa 3 mio. kr.-itut ilassutitut aningaasaliissutissatut eqqartorneqartut ilaatigut siunertamut tamatumunnga atorneqarumaartut. Ataatsimiititaliap tamanna pisusissamisoortutut isigaa.

Ataatsimiititaliali taamaattoq aamma kissaatiginartippaa isumaliutissiisummi matumani nutarteriinnarsinnaanermut sanilliullugu Inatsisartoqarfissamik nutaamik sanaartornerup aningaasaqarnikkut kingunerisassaasa erseqqissarneqassasoq.

Tamatumunnga atatillugu aallaqqaasiutigalugu oqaatigineqassaaq isumaliutissuummi allami aamma taaneqartutut naatsorsuutigineqarmat illuutit ullumi Inatsisartunit atorneqartut, tassa qitiusumik allaffeqarfimmi illorsuit F, G aamma L-ip affaa Inatsisartoqarfissap nutaap atuutilerneranut atatillugu Naalakkersuisunut utertinneqartussaammata. Ataatsimiititaliap pisinnaatitaaffiata avataaniippoq aalajangissallugu tamatuma kingorna sanaartukkat Naalakkersuisut sunut atorniarneraat ingitserneqassanersulluunniit, ataatsimiititaliallu ilisimasai malillugu taamatuttaaq Naalakkersuisut aamma apeqqut tamanna pillugu aalajangiinikuunngillat.

Inatsisartut ullumikkut illorsuit attartornerinut akiliuteqarneq ajorput killiliinnarmillu ase-
rfallatsaalineqarlutik aningaasanut inatsisini ukiumoortuni aningaasaliissutikkut, taamaattu-
millu tamatuma malitsigisaanik taakku eqqarsaatigalugit aserfallatsaalineq annertuumik
kinguaattoorfiusimalluni.³

Soorunami erseqqilluinnaalaruropoq taamatut ingerlasoqaannarnissaa illuutillu aserfallakkii-
artornerat ilutigalugu aserfallatsaaliniissamik pisariaqartitsinerup anneruleriartornera qanin-
nerusoq isigalugu Inatsisartunut akikinnerpaajusussaagaluartoq. Taamaaliornikkulli ullumik-
kut illorsuit eqqarsaatigalugit unammillerniagassat atuuttut iluarsineqarnavianngillat, pissu-
siviusullu qiviaraanni tamanna nammineq pigisami ingerlaavartumik taarsigassarsinertut
oqaatigisariaqarnerulluni. Aningaasaqarniikkut taamatut pissusilersoneq killormut sipaari-
niuteqarnertut taaneqartarpoq. Tamannalu tassa ukiorpassuanngortuni ingerlatsinermi tunngaa-
viusimavoq, piffissalli ingerlanerani naalakkersuinikkut nassuerutigineqariartorluni taamatut
iliuuseqanngiinnarneq akisussaassuseqannginnerusoq, tassami taamaaliornikkut sanaartuga-
tini annertuumik aserfallatsaaliniissaraluit eqqarsaatigalugit taakku katarsorlutik kinguar-
titerneqaannartarmata.

Akisussaassuseqartumik aaqqiissuteqarnissaq kissaatigineqarpat taamaalilluni apeqqutaagin-
nalerpoq tamakkiisumik nutarterineq nutaamilluunniit sananissaq arlaat toqqarusunne-
qarnersoq. Tamatumanilu naalakkersuinikkut qaangerniagassaq tassaavoq nalilissallugu
qaqugu taamatut aalajangernissaq piffissanngornersoq – unaanngitsoq taamatut
aalajangiisoqassanersoq.

Inatsisartut illutaasa nutarternerinut Inatsisartoqarfissamillu nutaamik sanaartornermut ani-
ngaasartuutissat assigiinngissutaat ataanisut takussutissiorneqarsinnaapput. Akit tessani
taaneqartut missingersuutit C-t aamma B-t suliarineqarnerini aatsaat inaarutaasumik
uppernarsivinneqarsinnaapput.

Inatsisartut ullumikkut kvadrameterinik 2200-nik atugassaqartinneqarnerannik (illorsuarmi L
quleriit appaat ilanggullugu) naliliineq ataani kisitsisini aallaavigineqarpoq.

Kvadrameterinik taamaqataanik **nutaamik sanaartornissamut** aningaasartuutissat ima
missingerneqarsinnaapput:

³ Aningaasanut inatsimmi konto pingarneq 20.30.11 Namminersorlutik Oqartussat illuutaannik aserfallatsaalineq innersuussutigineqarpoq. Aningaasaliissutini illorsuit Inatsisartunit atorneqartut kisimik pineqanngillat, taamatullu aamma immikkut naatsorsuusiorqarsimanani taakku ilaat qanoq annertutigisut illorsuarnut Inatsisartut atugaannut atorneqartarnersut.

2200 m2-inik nutaamik	kr. m2-mut
sanaartorneq	
Sanaartornissamut pilersaarut, piareersarneqarnera, siunnersuisartut, siunnersortut:	3.100
Suliassat tamarmik:	21.000
Atortut pequtillu:	3.250
Pinnersarnera il.il.	2.250
Katillugit	29.600
Sillimmatit aningaasartuutillu naatsorsuutiginnisat	2.960
Tamaasa	32.560
Nutaamik sanaartornermi	
atingaasartuutissat	
tamarmiusut	71.632.000

Aserfallatsaaliinermut pisariagartumut ukiumoortumik
atingaasartuutit (2 pct): 1.432.640

Kvadratmeterit taama annertutigisut **nutarterneqarnissaannut** aningaasartuutissat ima missingerneqarsinnaapput:

2200 m2-inik nutarterineq	
Sanaartornissamut pilersaarut, piareersarneqarnera, siunnersuisartut, siunnersortut:	3.100
Suliassat tamarmik:	15.500
Atortut pequtillu:	2.750
Pinnersarnera il.il.	2.250
Katillugit	23.600
Sillimmatit aningaasartuutillu naatsorsuutiginnisat (10 pct)	2.360
Tamaasa	25.960

2200 m2 nutarterneqarnerinut aki
tamarmiusoq 57.112.000

Innik 2200 m2-nik piffissami ukiuni marlunni
attartorneq:
Ukiumut kvadratmeterimik
attartorneq missingerlugu: 1700 6.800.000

Ukiuni marlunni sulinermi
naammassisqarsinnaassuseq annaaneqartoq ullut
napparsimaffiusut ilanngullugit
INA+LABU-mi ukiumut akissarsiat 2
%-ii 44,5 mio. 1.780.000

Nutarterinermi aningaasartuutit
tamarmiusut: 65.692.000

Aserfallatsaaliinermut ukiumut
atingaasartuutit (4 pct) 2.284.480

Nutaamik sanaartornerup
nutarterinerullu assigiinngissutaat 5.940.000

Ukiumut aserfallatsaaliinermut
atingaasartuutit assigiinngissutaat 851.840

Qulaani takuneqarsinnaasutut suut tamaasa eqqarsaatigalugit nutarterisoqaannarpat sipaarrutissat 5.940.000 kr.-iupput. Kisiannili sanaartukkap nutartikkap aserfallatsaalineqarneranut aningaasartuutit sanaartukkap nutaap aserfallatsaalineqarneranut aningaasartuutinit qaffasin-nerussapput, tassami nutartikkap ukiumut aserfallatsaalineqarnera ukiumut 850.000 kr.-inik akisunerusussaammat. Taamaalilluni tassuuna takuneqarsinnaavoq ukiut arfineq-pingasut qaangiutiinnartut nutarterinermut taarsiullugu nutaamik sanaartortoqarpat sipaaruteqarto-qalernissaa.

Qulaani allaaserineqartutut nutarteraluni iluarsiissuteqarneq tamatuma saniatigut ullumikkut ajornarsorsiuutinut sanaartukkanut atuuttunut ilisarnaatuusunut aaqqissutaanani lu ilaanna-kuusumik aaqqiissutaasussaavoq.

Assersuutigalugu allaffiit pukkippallaarneri pissutigalugit allaffiit silaannaluppallartarnerinik ajornartorsiuutit nutarteriinnarnikkut iluarsineqarnavianngillat. Tassani nutarteriinnaraluaraanni silaannarissarfiiq kiassaatillu aqqutaat ersiinnartut akuerineqartariaqarput, nalingin-naasumik inatsisartut ataqqinassuseqartutut isagineqartarneranut naapertuittingitsumik.

Taamatuttaaq nalinginnaasumik inatsisartoqarnermi pisariaqartutut kissaatigineqartut nutaat, soorlu atuagaateqarfeqarnissaq, isumannaallisakkamik qimaaffeqarsinnaanissaq, ataatsimiittarfik annertunerusoq, tusarnaartunut tusagassiorfinnullu periarfissat pitsaanerusut naammassineqarsinnaassanngillat, tessani nutaamik sananani nutarteriinnartoqarpat soorunami kvadrameterit tamarmiusut ullumikkut atorneqarsinnaasut amerlinavianngimmata.

Taamatuttaaq nutarterinikkut sanaartukkat ilusaat atorsinnaassusiilu aalajangiisuusumik allan-ningortinneqarnavianngillat.

Assersuummi qulaani takutinneqartumi nutaamik sanaartorneq nutarterinerlu angeqatigit aallaavigineqarsimapput kisitsisit toqqaannartumik sanilliunneqarsinnaaqquullugit. Ullumikkut sanilliullugu amerlanerusunik periarfissalimmik nutaamik sanaartortoqarpat soorunami pissu-sissamisuussaaq kvadrameterit pisariaqartinneqartut 2200-nit amerlanerussappata, tamannalu sanaartornermut akiusussamut tamarmiusumut sunniuteqassalluni.

Tamatumunnga atatillugu immikkut oqaatigineqassaaq nutaamik sanaartukkami inger-latsinermut aningaasartuutit illorsuit atuuttut ingerlanneqarnerinut aningaasartuutinit annikin-nerusussaammata, aamma taakku nutarterneqaraluarpataluunniit.

Kisiannili qanoq sukcatigisumik ingerlatsinermut aningaasartuutikinnerunissaq sipaarutin-nguvissinnaanersoq aatsaat erseqqinnerusumik naatsorsorneqarsinnaalissaq siunnersuutip naammassillugu pilersaarusiorneqarneranut sanaartornissallu tamarmiusup inaarutaasumik missingersuusiorneqarneranut atatillugu.

Ataatsimiititaliap naggasiutitut oqaaseqaatai

Ataatsimiititaliap naggasiutigalu pissutissaqartippaa erseqqissallugu aalajangiiffigisassatut siunnersuut manna tunngaviusumik aalajangiinerusussaammat sanaartornissamillu pilersaarutip naammassineqarnissaanut piginnaatitsissutaasussaalluni. Suliassaq tamanna naammassisimatinngagu, tamannalu tunngavigalugu sanaartornerup annertussusissaanut aalajangiisoqarsimatinngagu, sanaartortussarsiornerlu tunngavigalugit sanaartornerup ingerlanneqarnissaanut isumaqatigiissuteqartoqarsimatinngagu, sanaartornermut aningaasartutissat tamarmiusut ilisimaneqalernavianiingillat. Siunnersuummi matumani suliniummut aningaasatigut killiliussat kisimik taaneqarsimapput.

Ataatsimiititaliaq suliassaq pillugu oqallisigininnini tunngavigalugu tamatuma saniatigut pissutissaqarsoraa ersersissallugu BOT-mik periaaseqarluni sanaartortitsinissaq, tamatigoorerumillu OPP atorlugu aaqqissusuusseriaatsip atorneqartarnissaa, Siulittaasoqarfimmit kaamattuutigineqartoq tapersorsoriuk. Ataatsimiititaliaq isumaqarpoq OPP atorlugu aaqqissusuusseriaaseq pisortat sanaartortitsisarneri suli annertunerusumik atorneqartariaqaraluartoq. Ataatsimiititaliap taamatut periaaseqarneq assersuutigalugu atuarfinnik, inissianik, umiarsualivinnik mittarfinnillu sanaartornernut atatillugu piukkunnartutut isigaa. Ataatsimiititaliap Naalakkersuisunut **kaammattuutigaa** periaatsip sanaartugassatut suliniutini aggersuni atorneqartarsinnaanissaa ilanngullugu periarfissatut eqqarsaatigeqqullugu.

Tamatumunga atatillugu ataatsimiititaliap pingaaruteqartutut isigaa OPP atorlugu aaqqissusuusseriaaseq sanaartukkap atulivinnissaa eqqarsaatigalugu sanaartornermi peqatigineqartut namminersortut pisussaaffeqarnerata qularnaarneqarnissaanut piukkunnartutut isigineqarmat. Tamanna tunngavigalugu OPP, pisortat namminersortullu peqatigiillutik suleqatigiinnerat, piukkunnartutut isigineqarpoq, ass. ilaatigut Narsami Inuilib allilerneqarneranit misilitakkat tunngavigalugit, pisortat sanaartortitsinerisa ilarpassuuni pitsaassutip pisariaqartup qularnaarneqarnissaanut ajornartorsiuterpassuusartut annikillisarneqarnissaannut.

Ataatsimiititaliap inassuteqaatai

Ataatsimiititaliami amerlanerussuteqartut Siumup, Inuit Ataqatigiit, Atassutip Partiillu Inuit aallartitaasa isumaliutissiisummi allassimasutut oqaaseqaateqarlutik siunnersuut taper-serpaat.

Ataatsimiititaliami amerlanerussuteqartut qulaani taaneqartut tamanna tunngavigalugu siunnersuutip akuerineqarnissaa **inassutigaat**.

Ataatsimiititaliami ikinnerussuteqartut Demokraatit aallartitaata siunnersuut pillugu oqatigissavaat:

Naalakkersuinermit suliaqartut pisariaqartitaannit innuttaasut pisariaqartitaat Demokraatinit salliuinneqarput. Nunatsinni naalakkersuinermit suliaqartut millionilikkaat pingasunik kisitsisitallit atorlugit sulinermanni pitsaanerusumik atugassaqartinneqalernissaat inuiaqati- giinnit pisariaqartinneqartutut oqaatigineqanngilaq. Aningaasat pitsaanerusumik sumut atorneqarsinnaanerannik assersummik taasaqassagaanni aningaasarpassuit atuarfinni aserfallassimasuni ilinniartitsisut atuartullu pitsasumik atugassaqarnissaasa qulakkeer- nissaanut atorneqarnissaat innuttaasunit orniginartinneqarnerussagunarpoq.

Inatsisartut ataatsimiittarfianik nutaamik sanaartornissami aki suliassaq Siulittaasoqarfimmit siullermilli saqqummiunneqarmat qaffakkiartuinnarsimavoq. Maannakkorpiaq 200 millionit missaannik akeqassaaq, tamatumalu kingunerissavaa ukiuni tulliuttuni 30-ni ineqarnermut akiliutigineqartussat 300 millionit sinneqassammata. Kialluunniillu qulakkeerlugu oqaatigi- sinnaanngilaa akisunerulissanngitsoq.

Maanna illutarineqartut iluarsaannissaat akikinneerarsuussaaq Demokraatillu isaannit isigalu- gu naammaginarnerussalluni. Inuiaqatigiit pisariaqartitaannut sanilliullugu Inatsisartut illus- saannik sananermut 300 millioner kronik amerlanerusunilluunniit atuinissaq naammaginan- ngilaq.

Tamanna tunngavigalugu aningaasallu allarpasuarnullu pitsaanerusunut atorluarneqar- sinnaammata siunnersuut itigartinneqassasoq Demokraatinit kaammattutigineqarpoq.

Ataatsimiittaliani ikinnerussuteqartut qulaani taaneqartut tamanna tunngavigalugu siunnersuutip itigartinneqarnissaa inassutigaat.

Taamatut oqaaseqarluni isumaliutissiisummilu nalunaarneqartutut paasinnilluni ataatsimiiti-taliap matumuuna siunnersuut aappassaaniigassanngortippaa.

L. Effmann
(Siulittaasoq)

Erik Janemansson

M

Jenner

Joh M

Markus

Bach g

C